

Я' ПОНГГАНА.

Нгэдо' сата' ханни ты'
лабта'явна нявоты'.
Мэбета тобаха'нандо'
нюлак сыри тьяндамби'.

Паской', ламбэй нямдодо'
саць пирцявна пэръядо'.
Ямб пэмдидо' нерад мерця
сидя явна тяръяда.

Тыни мерець нявотыд'.
Хар'н пыдами нгодь' лэтмбидм.
Тарем нгэдалёвам мэнедм,
сейми ёльце маймби.

Хэвханан сыра лабта
лэйнана харп' нгылна салъя.
Нгояк' тырцорпэй' неро'
сидя хэвувнан мяларнга'

Ти, сыр', сэрако' хабэвко'
сыра' ванггхат лэркабт' тияд'.
Ялуворта седа' ниня
нохо' едэй' нгуд' нгади'.

Нерад нгэда сата мерця
ся'ми саць синзибтемби,
нгод' тарем нго' иба мальцяв
си'им сававна нгэдаби.

Сехэрэв Пи' ер' нумгывна
мань тюципой' хомбив.
Теневана Ямал' вымна
нгэдалёвами саць сиби.

Сава ханени' собраниян
Саля-Хардан мань нгэдалым.
Саць савахат ханенангэ
мань нгобтарем нюбелыв'.

Тыни мерцядрев' мирна',
инями нгодь' ня'амбив.
Сыв' нгэдалёвами мэнедм,
сейми нгод' ёльце маймби.